

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR**

BROJ: 01-03-9304/17

Dana, 05.12.2017. godine

Sarajevo, Vrazova 11

Na osnovu člana 17. stav (1) i člana 18. stav (1) Zakona o javnim nabavkama ("Službeni glasnik BiH", br.39/14) člana 2. stav (3) Pravilnika o postupku direktnog sporazuma („Službeni glasnik BiH“, broj 90/14), člana 38. Statuta Ustanove ("Službeni list Kantona Sarajevo" broj 40/13, 20/16), i člana 18. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo, generalni direktor donosi sljedeću

**POSEBNU ODLUKU
o pokretanju postupka javne nabavke putem direktnog sporazuma
DS-70/17**

Član 1.

Pokreće se javna nabavka putem direktnog sporazuma za nabavku roba - **gas multi blok** za potrebe kotlovnice u Organizacionoj jedinici Dom zdravlja Centar Javne ustanove Dom zdravlja Kantona Sarajevo.

Član 2.

Za realizaciju nabavke iz člana 1. ove Odluke odobravaju se finansijska sredstva u iznosu od 1.196,00 KM bez PDV-a.
(Slovima: hiljadustodevedestšest KM i 00/100 pf).

Član 3.

Realizacija ove odluke provest će se u skladu sa Zakonom i općim aktima Ustanove. Na osnovu provedene procedure prikupljanja potencijalnih ponuda shodno odredbi člana 5. i 6. Pravilnika o postupku direktnog sporazuma i članom 21. Pravilnika o procedurama javnih nabavki i stvaranju ugovornih obaveza, sa odabranim ponuđačem zaključit će se odgovarajući ugovor.

Član 4.

Za ovu vrstu nabavke CPV kod iz JRJN je 39715210-2.

Član 5.

Odluka stupa na snagu danom donošenja.

O b r a z l o ž e n j e

Šef Službe tehničkih poslova, uputio je zahtjev za nabavku gas multi bloka za potrebe kotlovnice Organizacione jedinice Dom zdravlja Centar, broj 01-06-4647/17 od 22.11.2017. godine.

Planom javnih nabavki za 2017 godinu nije predviđena nabavka robe - gas multi blok za kotlovnicu OJ DZ Centar. U periodu planiranja nije se moglo predvidjeti da će u toku grijne sezone ostati zbog kvara van funkcije kotao u kotlovnici Organizacione jedinice Dom zdravlja Vogošća, zbog čega se popravka smatra hitnom.

Imajući u vidu da se postupak nabavke ne može započeti bez donošenja posebne odluke a nabavka je iz opravdanih razloga postala neophodna, vrijednost nabavke procijenjena je u ukupnom iznosu od 1.196,00 KM, bez uračunatog PDV-a.

Služba ekonomsko-finansijskih poslova utvrdila je da su ispunjene pretpostavke za realizaciju nabavke, te je shodno Zakonu, podzakonskim aktima i Statutom Ustanove, predmetni zahtjev dostavljen generalnom direktoru na konačno odobravanje i saglasnost.

Dana 24.11.2017. godine, Zahtjev je zaprimljen na dalju proceduru javnih nabavki.

Cijeneći navedeno donesena je odluka kao u dispozitivu.

Dostaviti:
SEFP (Nabavna služba)
Javna nabavka
a/a

GENERALNI DIREKTOR
Fuad Husić
Mr. med. sci. prim. dr Fuad Husić
spec. porodične/obiteljske medicine

